

《華嚴經普賢行願品》 補充講表

◎附表十二：

○四、不覆瑕疵。五、斷相續心。

《占察善惡業報經義疏》云：「過去惡業，若論現行，則剎那已滅，但所熏種子，藏在第八識中，由六七二識我執力故，念念資熏，令得增長。今之發露（不覆瑕疵），正是破除我執前茅。如草木種子，潛在地中，必發芽莖。今既掘露，則自損壞。又舊種雖復發露，若不永斷相續，則新熏種子，能與舊種互相資益，展轉生長，無有已時；故須誓不更造（即斷相續心）。」

○十、觀罪性空：以治第一身見。（觀罪性空，名實相懺，名無生懺，亦名大莊嚴懺。）

※「罪從心起將心懺，心若滅時罪亦亡；心滅罪亡兩俱空，是則名為真懺悔。」

《占察善惡業報經》云：「復應思惟，如是罪性，但從虛妄顛倒心起，無有定實而可得者，

本唯空寂。願一切眾生速達心本，永滅罪根。」

○復次，善男子！言隨喜功德者。福德專約福言，功德賅福慧言，福德約感來之果報言。

《占察善惡業報經義疏》云：「隨喜，滅嫉妒障，故亦名悔。一切諸佛，三乘聖眾，六凡

夫，並皆在我現前一念心中同一體性，本無彼此。由我執故，妄計自他而生嫉妒。今悔此過，深于一切凡聖平等起隨喜心，則是攬法界善以為己善，其善乃大，豈必獨自運心動身口業以為善哉！現見他人攜燈，亦蒙其照；他人然香，亦被其熏。同體善根，分明若此，奈何癡障，不知承荷，反生嫉妒耶！」

若修功德而著相，則功德成為福德；若修福德而不著相，則福德即是功德。（金剛經講義）

○從初發心，為一切智，勤修福聚，不惜身命，（糅合《普賢行願品親聞記》）

始覺者，始覺惑業生死本空，始覺菩提涅槃本有；即知真本有，達妄本空。本有要假修顯，故曰「從初發心，為一切智，勤修福聚，」為一切智，即為成佛也。修福聚即修功德藏也。

要修福德，對於身心世界不可愛惜，先修施度，以難捨之頭目手足而行布施，況財物乎！

○圓滿種種波羅蜜門（波羅蜜：到彼岸，即涅槃也。）（糅合《普賢行願品親聞記》）

圓滿種種波羅蜜門：不惟施波羅蜜行圓滿，其餘諸波羅蜜，一一悉應行圓滿也。施度中亦具足戒、忍、進、禪、慧諸波羅蜜。為持戒故，有來乞內財外財即捨之；能捨，即能忍也；說捨便捨，即是精進；難捨能捨，而心不動，即是禪定；施、戒、忍、進、禪，設無智慧，不能成辦。不惟施波羅蜜，具足諸波羅蜜；一一波羅蜜，皆互攝互融。」

○證入種種菩薩智地，（糅合《普賢行願品親聞記》）

謂從初發心，經由十信位，三賢位（十住、十行、十迴向），至十地（歡喜地到法雲地）。

○成就諸佛無上菩提及般涅槃，分布舍利，

般涅槃：涅槃，梵語；具云：般涅槃，不生不滅之意；謂性體也，亦譯滅度，亦譯無為。

滅者，所謂生滅滅已，寂滅現前；度者，度其分段、變易兩重生死也。（金剛經講義）

舍利：為諸佛、菩薩、羅漢、高僧等，圓寂後火化，凝結晶瑩如珠、如花之物。白色為骨舍利，赤色為血肉舍利，黑色為髮舍利，亦有雜色者，則係綜合所成。舍利不僅是物質，更是一種超物質，若是佛舍利，其質堅利，本來具足，高溫不能熔，高壓不能損，且增減自如，誠不可思議。此是佛教修道者生前依戒定慧薰修而得，慈悲喜捨無量功德所成。《金光明經》卷四捨身品云：「舍利是戒定慧所薰修，甚難可得，最上福田。」（糅合《中華百科全書》）

○所有善根，我皆隨喜。

《普賢行願品親聞記》云：「佛未成佛時，生自成佛之善根；佛已成佛，為一切眾生善之根。我皆隨喜者，非只心隨喜而已；行佛之行，是真隨喜。」

○及彼十方一切世界，六趣四生，乃至一塵，我皆隨喜。（糅合《普賢行願品親聞記》）
人天修羅有種種功德者，鬼道容或亦有功德。畜生中，馬不欺母，麒麟不踏生草，鴉有反

哺之義，羊有跪乳之恩，亦有功德，可說隨喜。至若地獄眾生，一日一夜，萬生萬死，方受苦之不暇，有何功德而可喜？普賢大智，知彼地獄中極苦眾生，自性功德未失，即本具大方廣與佛無二。雖無修德，而有性德故。「乃至一塵」：一塵約理，理微細也。如云：一塵中剖出大千經卷，豈非微細至極乎！亦約事言，雖極惡之人，擇其所長不無微小之善，行人皆當隨喜。故以佛眼視眾生，眾生無不是佛；以善眼視眾生，眾生無有不善，此是佛菩薩之慈悲心。學佛法人亦應學佛，祇見眾生之善，不見眾生之惡，即轉煩惱成菩提矣。

※觀畜生之功德：烏鴉反哺，仁也；鹿得草而鳴其群，蜂見花而集其眾，義也；羊羔跪乳，馬不欺母，禮也；蜘蛛結網以求食，螻蛄塞穴而避水，智也；雞非曉而不鳴，信也。

○十方三世一切聲聞及辟支佛，：所有功德，我皆隨喜。（糝合《普賢行願品親聞記》）

聲聞：有學約因，即三果四向；無學約果，即阿羅漢，有七因四果。辟支佛：正修十二因緣。觀時是有學位，證道是無學位，但有一因一果。此經是華嚴圓教法門，何以隨喜小乘？

乃有二義：一者、就權說，雖是聲聞緣覺，勝世間故。二、就實說，聲聞辟支佛，將來必定成佛，豈可不隨喜耶！

「聲聞」……聽聞生滅四諦而悟證真諦空理者也。以析空觀慧（無常無我觀），觀四諦理，斷見思惑，證阿羅漢。

「辟支佛」譯為「緣覺」、「獨覺」。觀因緣法而覺悟真諦空理者也。可分二種：一者觀內因緣，謂稟佛教法，以無常無我之觀慧，觀十二因緣，而悟證真諦理，此種正名「緣覺」。二者觀外因緣，謂出無佛之世，以先世善根故，無師自悟，所謂「秋觀黃葉落，春見百花開」。此種名為「獨覺」。緣覺根性較聲聞利，能速斷見思，速證極果。

○一切菩薩所修無量難行苦行，：廣大功德，我皆隨喜。（糝合《普賢行願品輯要疏》）

因稱菩薩，果號如來。前科諸佛之難行苦行，即居菩薩地中而行，以其志求無上菩提，無論行之麤妙大小，乃至一塵之福，無非是成佛之因，故云廣大功德，皆隨喜也。